

唐

音

統

籤

乙籤九十三張九齡之五 唐音統籤卷八十二

五言排律二

和裴侍中承恩拜掃旋轡途中有懷寄州縣
官寮鄉國親故

嵩嶽神惟降汾川鼎氣雄生才作霖雨繼代有清
通天下 稱賢相 朝端抱至公 自家來佐國 移孝入
爲忠 霜露多前感 丘園想舊風 扈巡過晉北 問俗
到河東 便道恩華降 還鄉禮教崇 野樽延故老 朝
服見兒童 闕

奉和吏部崔尚書雨後大明朝堂望南山

月二系
迢遞終南頂朝朝闔闔前
榻來青綺外高在翠微
先雙鳳寒爲闕羣龍儼若仙
還知到玄圃更是謁
甘泉夜雨塵初滅秋空月正懸
詭容紛入望霽色
宛成妍東極華陰踐西彌嶓冢
連奔峯出嶺外瀑
水落雲邊漢帝宮將苑商君陌
與阡林華鋪近甸
煙靄遶晴川旣庶仁斯及分憂
政已宜山公啓事
罷吉甫頌聲傳濟濟金門步
洋洋玉樹篇徒歌雖
有屬清越豈同年

和崔尚書喜雨

積陽雖有晦經月未爲災
上念人天重先祈雲漢

回仁心及草木號令起風雷照爛陰霞止交紛瑞
雨來三辰被黍稷四達屏氛埃池溜因添滿林芳
爲灑開聽中聲滴瀝望處影徘徊惠澤成豐歲目
言發上才無論驗石鼓不是御雲臺直頌皇恩浹
崇朝遍九垓

和蘇侍郎小園夕霽寄諸弟

清風間闔至軒蓋承明歸雲月愛秋景林堂開夜
扉何言兼濟日尚與宴私違興逐蒹葭變文因棠
棣飛人倫用忠孝帝德已光輝贈弟今爲貴方知
陸氏微

和許給事直夜簡諸公

未央鐘漏晚仙宇
講沈沈武衛千廬合
嚴局萬戶深左掖
知天近南廳見月
臨樹搖金掌露庭
徙玉樓陰他日聞
更直中宵屬所欽
聲華大國寶夙夜
近臣心逸興乘高
閣雄飛在禁林寧
思竊抃者情發爲
知音

酬通事舍人寓直見示篇中兼贈起居陸舍

人景獻

軒掖殊清秘才華固在斯
興因膏澤灑情與惠風
吹所美應人譽何私亦我儀
同聲感喬木比翼謝

長離價以陸生減賢慙鮑叔知薄遊嘗獨愧芳託
乃兼施此夜金閨籍伊人瓊樹枝飛鳴復何遠相
頷幸媿媿

酬趙二侍御使西軍贈兩省舊寮之作

石室先鳴者金門待制同操刀嘗願割持斧竟稱
雄應敵兵初起緣邊虜空使車經隴月征旆繞
河風忽枉兼金訊非徒秣馬功氣清一作蒲海曲

聲滿栢臺中顧已塵華省欣君震遠戎明時獨匪
報嘗欲退微躬

酬宋使君見贈之作

宋使君鼎也九齡代鼎為荆州鼎有贈

時來不自意宿昔謬樞衡翊聖負明主妨賢媿友
生罷歸猶右職特驛尚南荆政有留棠舊風因繼
組成一作清高軒一作斬車問疾苦烝一作繁庶荷仁明衰
廢時將薄抵言僚舊情

酬宋使君見貽

陟鄰初稟訓獻策幸逢時朝列且云忝君恩復若
茲庭闈際海曲輶傳荷天慈顧已歡烏烏聞君泣
素絲才明應主召禍善豈神欺但願白心在終然
涅不淄

酬王履震遊園林見貽

宅生惟海縣素業守郊園中覽霸王說上徵明主
恩一行罷蘭逕數載歷金門旣負潘生拙俄從周
任言逶迤戀軒陛蕭散反丘樊舊徑稀人跡前池
耗水痕併看芳樹老唯覺敝廬存自我棲幽谷逢
君翳覆盆孟軻應有命賈誼得無冤江上行傷遠
林間偶避喧地偏人事絕時霽鳥聲繁獨善心俱
閉窮居道共尊樂因南澗藻憂豈北堂萱幽意加
投漆新詩重贈軒平生狗知已窮達與君論

與袁補闕尋蔡拾遺會此公出行後蔡有五
韻詩見贈以此篇答焉

轍迹陳家巷詩書孟子鄰偶來乘興者不值草玄
人契是忘年合情非累日申聞君還薄暮見眷及
茲辰贈我如瓊玖將何報所親

武司功初有幽庭春暄見詒夏首獲見以詩
報焉

芳月盡離居幽懷重起予雖言春事晚尚想物華
初遲日曛方照高齋澹復虛笋成林向密花落樹
應疎贈鯉情無間求鶯思有餘暄妍不相待含歎
欲焉如

初發道中贈王司馬兼寄諸公

昔歲嘗陳力中年退屏居承顏方弄鳥放性或觀
魚曾是安疵拙誠非議卷舒林園事益簡煙月賞
恒餘不意棲愚谷無階奉詔書湛恩均大造弱植
愧空虛肅命趨僊闕僑裝撫傳車念行開祖帳憐
別降題輿誰謂風期許叨筵禮數殊義沾投分末
情及解攜初追餞扶江介光輝燭里閭子雲應寂
寞公叔一作緒爲吹噓景物春來異音容日向疎川
原行稍穩鐘鼓聽猶徐林隔王公舉雲迷班氏廬
戀親唯委咽恩德更躊躇狗義當由此懷安乃闕
如願酬明主惠行矣豈徒歟

南還以詩代書贈京師舊寮

薄宦晨昏闕尊尊義取斯窮愁年貌改寂蔑

歷一作

爾胡爲不諂詞多忤無容禮益卑微生尚何有遠
跡固其宜思繞梁山曲情遙越鳥枝故園從海上
良友邈天涯雲雨歎一別川原勞載馳上慚伯樂
顧中負叔牙知去國誠寥落經途弊險巖歲逢霜
雪苦林屬蕙蘭萎欲贈幽芳歇行悲舊賞移一從
關作限兩見月成規苒苒窮年齋行行盡路岐征
鞍稅北渚歸帆指南垂樹晚猶蔥蒨江寒尚渺瀰
上風從楚別山水入湘奇石瀨相奔觸烟林更蔽

虧層崖夾洞浦輕舸汎澄漪松篠行皆傍禽魚動
輒隨惜哉邊地隔不與故人窺疇昔陪駕鷺朝陽
振羽儀來音雖寂寞接景每逶迤朝罷冥塵事賓
來話酒卮邀歡逐芳草結興選華池及此風成歎
何時霧可披自憐無用者誰念有情離望美音容
闊懷賢夢想疲因聲達霄漢持拙守東陂

當塗界寄裴宣州

故人宣城守亦在江南偏如何分虎竹相與間山
川章綬胡爲者形骸非自然含情津渡闊倚望脰
空延遠近聞佳政平生仰大賢推心徒有屬會面

良無緣日夕遵前渚江村投暮煙念行祗意默懷
遠豈言宜委曲風波事難爲尺素傳

餞王尚書出邊

漢相推人傑殷宗伐鬼方還聞出將重坐見卽戎
良上策應爲豫中權且用光令申兵氣倍威懾一作

州

虜寇亾樹比公孫大城如道濟長夏雲登隴首

秋露滋遼陽武德舒宸睠文思餞樂章感恩身旣
許激節膽猶嘗祖帳傾朝列軍麾駐道傍詩人何
所詠尚父欲鷹揚

送趙都護赴安西

將相有更踐簡心良獨難遠圖嘗畫地超拜乃登壇戎卽崑山序車同渤海單義無中國費情必遠人安他日文兼武而今粟且寬自然來月窟何用刺樓蘭南至三冬晚西馳萬里寒封侯自有處征馬去嘒嘒

別鄉人南還

橘柚南中煖桑榆北地陰何言榮落異因見別離心吾亦江鄉子思歸夢寐深聞君去水宿結思渺雲林牽綴從浮事遲迴謝所欽東南行舫遠秋浦念猿吟

和姚令公哭李尚書又

貴賤雖殊等平生竊下風
雲泥勢已絕山海納還
通忽歎登龍者翻將弔鶴
同琴詩猶可託劔履獨
成空疇昔嘗論禮典言每
匪躬人思崔琰議朝掩
祭遵公作善神何酷依仁
命不融天文虛北斗人
事罷南宮上宰旣傷舊下
流彌感衷無恩報國士
徒欲問玄穹

郡中每晨輿輒見羣鶴東
飛至暮又行列而返
嗟唳雲路甚和樂焉予
愧獨處江城常目送此
意有所羨遂賦以詩

雲間有數鶴撫翼意無違
曉日東田去烟霄北渚
歸懽呼良自適羅列好相依
遠集長江靜高翔衆
鳥稀豈煩僊子馭何畏野人機
却念乘軒者拘留
不得飛

同綦母學士月夜聞鴈

棲宿豈無意飛飛更遠尋
長途未及伴中夜有遺
音月思關山笛風號流水琴
空聲兩相應幽感一
何深避繳歸南浦離羣叫北林
聯翩俱不定憐爾
越鄉心

七言律詩

奉和聖製早發三鄉山行

羽衛森森西向秦山川歷歷在清晨晴雲稍卷寒
巖樹宿雨能消御路塵聖德由來合天道靈符卽
此應時巡遺賢一一皆羈致猶欲高深訪隱淪

奉和聖製龍池篇

互見辛
籤樂章

天啓神龍生碧泉泉水靈源浸迤延飛龍已向珠
潭出積水仍將銀漢連岸傍花柳看勝畫浦上樓
臺問是仙我后元符從此得方爲萬歲壽圖川

五言絕句

奉和聖製經函谷關作

詩式

函谷雖云險黃河已復清聖心無所隔空此置關
城

奉和聖製渡潼關口號

嶙嶙故城壘荒涼空戍樓在德不在險方知王道
休

賦得自君之出矣

自君之出矣不復理殘機思君如滿月夜夜減清
輝

照鏡見白髮聯句

相昔青雲志蹉跎白髮年誰知明鏡裏形影自相

憐

答太常靳博士見贈一絕

上苑春先入中園花盡開唯餘幽徑

催

乙籤九十四

唐音統籤卷八十三

王翰

舊唐書
作翰

字子羽晉陽人登進士第累官駕部

員外豪蕩不羈日以蒲酒爲事出汝州長史改仙

州別駕至郡聚才豪士從禽擊鼓恣歡賞貶道州

司馬卒集十卷

唐志有
宋志亡

今存詩一卷

張說評云王
翰之文如瓊

玉華雖爛然可
珍而多有玷闕

贈唐祖二子

舊唐書翰貶仙州文士祖詠
杜華常在座祖或卽祖詠也

鴻飛遵枉渚鹿鳴思故羣物情尚勞愛况乃予別

君別時花始發別後蘭再薰瑶觴滋白露寶瑟凝

涼氛裴徊北林月悵望南山雲雲月渺千里音徽

唐音
不可聞

飛燕篇

孝成皇帝本嬌奢行幸平陽公主家可憐女兒三
五許葦葺惜是一園花歌舞向來人不貴一日燧
君感君意君心見賞不見忘姊妹雙飛入紫房紫
房綵女不得見專榮固寵昭陽殿紅妝寶鏡珊瑚
臺青瑣銀簧雲母扇日夕風傳歌舞聲祗擾長信
憂人情長信憂人氣欲絕君王歌吹終不歇朝弄
瓊簫下綵雲夜踏金梯上明月明月薄蝕陽精昏
嬌妬傾人惑至尊已見白虹橫紫極復聞飛燕啄

皇孫皇孫不死燕啄折女弟一朝如火絕明明天
子咸戒之赫赫宗周褒姒滅古來賢聖歎孤裘一
國荒淫萬國羞安得上方斷馬劍斬取朱門公子
頭

飲馬長城窟行

一作古
長城吟

長安少年無遠圖一生惟羨執金吾麒麟殿前拜
天子走馬爲君西擊胡胡沙獵獵吹人面漢虜相
逢不相見遙聞鼙鼓動地來傳道單于夜猶戰此
時顧恩寧顧身爲君一行摧萬人壯士揮戈迴白
日單于濺血汗朱輪歸來飲馬長城窟長城道傍

多白骨問之耆老何代人云是秦王築城卒黃昏
塞北無人烟鬼哭啾啾聲沸天無罪見誅功不賞
孤魂流落此城邊當昔秦王按劍起諸侯膝行不
敢視富國強兵二十年築怨興徭九千里秦王築
城何太愚天實亾秦非北胡一朝禍起蕭牆內渭
水咸陽不復都

賦得明星玉女壇送廉察尉華陰

洪河之南曰秦鎮發地削成五千仞三峯離地皆
倚天惟獨中峯特修峻上有明星玉女祠祠壇高
眇遠逶迤三十六梯入河漢樵人往往見蛾眉蛾

眉嬋娟又宜笑一見樵人下靈廟仙車欲駕五雲
飛香扇斜開九華照含情遲佇惜韶年願侍君邊
復中旋江妃玉佩留爲念嬴女銀簫空自憐仙俗
途殊兩情遠感君無盡辭君去遙見明星是妾家
風飄雲散不知處故人家在西長安賣藥往來投
此山綵雲蕩漾不可見綠蘿蒙茸鳥綿蠻欲求玉
女長生法日夜燒香應自還

春女行

紫臺穹跨連綠波紅軒鈴匝垂織羅中有一人金
作面隔幌璫瓏遙可見忽聞黃鳥鳴且悲鏡邊金

笑着春衣羅袖嬋娟似無力行拾落花比容色落花一度無再春人生作樂須及辰君不見楚王臺上紅顏子今日皆成狐兔塵

古蛾眉怨

君不見宜春苑中九華殿飛閣連連直如髮白日全含朱鳥牕流雲半入蒼龍闕宮中綵女夜無事學鳳吹簫弄清越珠簾北卷待涼風繡戶南開向明月忽聞天子憶蛾眉寶鳳銜花撲兩螭傳聲走馬開金屋夾路鳴環上玉墀長樂彤庭宴華寢三千美人曳花錦燈前含笑更羅衣帳裏承恩薦瑤

枕不意君心半路迴求仙別作望仙臺琳琅禁闕
遙相憶紫翠巖房晝不開欲向人間種桃實先從
海底覓蓬萊蓬萊可求不可上孤舟縹緲知何往
黃金作盤銅作莖青天白露掌中拳王母嫣然感
君意雲車羽飾欲相迎飛廉觀前空怨慕少君何
事須相誤一朝埋沒茂陵田賤妾蛾眉不重顧宮
車晚出向南山仙衛逶迤去不還朝脯泣對麒麟
樹樹下蒼苔日漸斑人生百年夜將半對酒長歌
莫長嘆情知白日不可私一死一生何足筭

子夜春歌

春氣滿林香春遊不可忘落花吹欲盡垂柳折還長
長桑女淮南曲金鞍塞北裝行行小垂手日暮渭
川陽

奉和聖製同二相已下羣臣樂遊園宴

未極人心暢何如帝道明仍嫌酬宴促復寵樂遊
行陸海披珍藏天河直

一作望

斗城四闕青靄合數

處白雲生任餽調元氣歌鍾溢雅聲空慚堯舜日
至德杳難名

奉和聖製送張說上集賢學士賜宴

得筵字

東堂起集賢貴得從神仙首命台階老將崇御府

員送人繡玉佩中使拂瓊筵和樂薰風解湛恩時
雨連長材成磊落短翮強翮翮徒仰蓬萊地一作峻
何階不讓緣

奉和聖製送張尚書巡邊

紫綬

一作盤

尚書印朱駟丞相車登朝身許國出關

將辭家不憚炎蒸苦親嘗走集賒選徒軍有政一作

命誓卒爾無譁帝樂風初起王城日半斜寵行流

聖作寅餞照台華騎歷河南樹旌搖塞北沙榮懷

應盡服嚴殺已先加業峻靈祗保功成道路嗟寧

如鑿空使遠致石榴花

唐音續集
涼州詞二首

蒲萄美酒夜光杯，欲飲琵琶馬上催。
醉卧沙場君莫笑，古來征戰幾人回。

秦中花鳥已應闌，塞外風沙猶自寒。
夜聽胡笳折

楊柳，教人意氣。一作氣盡憶長安。

春日思歸

楊柳青青杏發花，年光誤客轉思家。
不知湖上菱歌女，幾箇春舟在若耶。

觀蠻童爲伎之作

長裙錦帶還留客，廣額青娥亦效颦。
共惜不成金

谷妓虛令看殺玉車人

卷終

乙籤九十五

唐音統籤卷八十四

許景先義興人少舉進士授夏陽尉神龍初拜左拾遺開元中擢中書舍人知制誥與齊澣王丘等俱以文翰見稱終吏部侍郎詩五篇

名在文苑傳志不著集錄

徵君宅

今祇洹寺是

徵君昔嘉遯抗遺俗塵了心悟有物乘化遊

一作

入無垠道喪歷千載復存頽陽真上虞佳山水晚歲就隱淪內史旣解綬支公亦相親儒道匪遠理意勝聊自欣洄沿南谿夕流浪東山春石壁踐景金潭冒綠蘋探鍊備海嶠賞心寓情人李何靈

仙骨歛

一作斂

翮瑤池津寥寥虛白宇夙荆招提困

家風緬多尚玄德謝無鄰謬陪金門彥矯跡待紫宸
宸皇恩竟已矣遺烈庶不泯

折柳篇

春色東來度渭橋青門垂柳百千條長楊西連建章路
漢家林苑紛無數繁花如遍合歡枝

一作遊宮

絲半霄相思樹春樓初日照南隅柔條垂綠掃金鋪
寶釵新梳倭墮髻錦帶交垂連理襦自憐柳塞淹戎幕
銀燭長啼愁夢着芳樹朝催玉管新春風夜染羅衣薄
城頭楊柳已如絲今年花落去年時

折芳遠寄相思曲爲惜容華難再持

奉和御製春臺望

睿德在青陽高居視中縣秦城連鳳關漢寢疏龍
殿文物照光輝郊畿鬱蔥禕千門望成鋪八水明
如練複道曉光披宸遊出禁移瑞氣朝浮五雲閣
祥光夜吐萬年枝蘭葉負龜初薦祉桐花集鳳更
來儀秦漢生人竭力役阿房甘泉構雲碧汾祠雍
時望通天玉堂宣室坐長年鼓鍾西接咸陽觀苑
圃南通鄆杜田明主卑宮誠前失輔德欽賢政惟
一昆蟲不夭在春蒐稼穡常艱重農術邦家已荷

聖謨親猶聞儉陋惜中人豫奉北辰齊七政長歌
東武林千春

陽春怨

紅樹曉鶯啼春風煖翠閨雕籠薰繡被珠履踏金
隄芍藥花如吐菖蒲葉正齊藁砧當此日行役向
遼西

奉和聖製送張尚書巡邊

文武承邦式風雲感國禎王師親賦政廟略久論
兵漢主知三傑周官統

一作總

六卿四方分闡受千

里望謀成介冑辭前殿壺觴宿左營賞延頒賜重

宸贈出車榮龍武三軍氣魚鈐五校名郊雲駐旌

羽邊吹引金鉦訓

一作振

旅方稱德安人更克貞佇

青銘石罷同聽凱歌聲

乙籤九十六

徐安貞

初名楚璧

龍丘人善五言詩應制舉一歲三擢

科甲開元中歷中書舍人集賢院學士上每屬文

多命視草累遷中書侍郎詩十一篇

名載文苑傳志不著集目

雲溪友議云安貞同李林甫在事後慮有罪累避隱衡山岳寺爲行者不爲寺僧所禮李北海遊岳識之因同載北歸謂人曰瀟湘逢故人若幽谷之觀太陽不然委頓巖穴矣

書殿賜宴應制

校文常近日賜宴忽昇天酒正傳杯至饗人捧案
前玉階鳴溜水清閣引歸煙共惜芸香暮春風幾
萬一作幾年

從駕溫泉宮

神女調溫液年年待聖人試開臨水殿來洗屬車
塵煖氣隨明主恩波浹近臣靈威自無極從此獻
千春

送呂向補闕西岳勒碑

聖德西山頌君其出使年勒碑懸日月驅傳接雲
煙寒盡函關路春歸洛水邊別離能幾許朝暮玉

擗前

送丹陽採訪

郡縣分南國，皇華出聖朝。
爲憐鄉棹近，不道使車遙。
舊俗吳三讓，遺風漢六條。
願言除疾苦，天子聽歌謠。

送王判官

明月開三峽，花源出五谿。
城池青壁裏，煙火綠林西。
不畏王程促，惟愁仙路迷。
巴東下歸棹，莫待夜猿啼。

題襄陽圖

畫得襄陽郡依然見昔遊峴山思駐馬漢水憶迴
舟丹壑常含霽青林不換秋圖書一作畫圖空咫尺千
里意悠悠

程將軍夫人挽詩

悲瑟調雙鳳和鳴不獨飛正歌春可樂行泣露先
晞環珮聲猶在房櫳夢不歸將軍休沐日誰勸着
新衣

奉和聖製早渡蒲津關

仙掌臨秦甸虹橋闢晉關兩都分地險一曲度河
灣路得津門要時稱古戍閑城花春正發岸柳曙

堪攀後乘猶臨水前旌欲換山長安迴望日宸
六龍還

奉和聖製答二相出雀鼠谷

兩臣初入夢二月扈巡邊澗北寒猶在山南春半
傳頌聲先奉御辰象復回天雲月明千里旌旗照
一川柳陰低輦路草色變新田還望汾陽近宸遊
自睿然

奉和喜雪應制

兩宮齋祭近登臨雨雪紛紛天晝陰
瑞色頓教正月滿春林蓬萊北上旌門暗花萼南

歸馬跡深自有三農歌帝力還將萬庾答堯心

聞鄰家理箏

北斗橫天夜欲闌
愁人倚月思無端
忽聞畫閣秦箏逸
知是鄰家趙女彈
曲成虛憶青蛾斂
調急遙憐玉指寒
銀鎖重關聽未闌
不如眠去夢中看

句

暮雨衣猶濕春風帆正開

雲溪友議

乙籤九十七

席豫字建侯襄陽人與弟晉俱以詞藻見稱開元
中進士及第官尚書左丞檢校禮部中書玄宗登

朝元閣賦詩羣臣屬和以豫詩爲工詔曰詩人之

冠冕也詩六篇

名載文苑傳志不著集目

奉和勅賜公主鏡

令節頒龍鏡仙輝下鳳臺含靈萬象入寫照百花
開色與皇明散光隨聖澤來妍媸冰鑑裏從此媿
弄才

江行紀事二首

飄飄任舟楫廻合傍江津後浦情猶在前山賞更

新樹深烟羃羃

一作漠漠

灘淺石磷磷川路南行遠淹

留悟此辰

江汎春風勢山樓曙月輝
援攀紫巖飲鳥拂清潭
飛古樹崩沙岸新苔覆石機
津途賞無限征客覽
忘歸

奉和聖製各張說南出雀鼠谷

鳴鑾初幸代旋蓋欲橫汾山盡千旗出
一作直 郊平

五校分前林已暄景後壑尚寒氛
風送簫韶曲花迎一作鋪 黻文
鹽梅推上宰禮樂統中軍
獻賦紆

天札飄飄飛白雲

奉和聖製送張說巡邊

聖主重兵權分符一作麾 屬大賢中軍仍執政
丞相

復巡邊翕習戎裝動張皇廟畧宣朝祭承睿札野
餞轉行旃亭障東緣海沙場北際天春冬見巖雲
朝夕候烽烟已勒封一作燕山記一作頌猶聞遣戍篇
五營將月合八陣與雲連經略圖方遠懷柔道更
全歸來畫麟閣藹藹武功傳

蒲津迎駕

回鸞下蒲坂飛旆指秦京雕上黃雲送關中紫氣
迎霞朝看馬色月曉聽雞鳴防拒連山險長橋壓
水平省方知化洽察俗覺時清天下常無事空餘
襟帶名

乙籤九十八

齊澣字洗心定州人少以詞學稱聖曆中制科登第開元初歷中書舍人典詔誥爲代言最終平陽太守詩二篇

名載文苑傳志無集錄

長門怨

乳箏狐思逼寂寂長門夜妾妬亦知非君恩那不借攜琴就玉階調悲聲未諧將心託

一作寄

明月流

影人君懷

長門怨

宮殿沉沉月欲分昭陽更漏不堪聞珊瑚枕上千

行淚不是思君是恨君

君一作半是思
君半恨君

乙籤九十九

唐音統籤卷八十五

賀知章字季真越州永興人少以文詞知名證聖
初擢進士累太常博士開元中遷禮部侍郎充集
賢院學士太子賓客兼秘書監性放曠善談笑晚
節尤加縱誕自號四明狂客又稱秘書外監每醉
輒屬辭又善草隸人共傳寶天寶初求爲道士還
鄉里詔賜鏡湖剡川一曲御製詩贈行壽八十六
終後肅宗以官僚之舊贈禮部尚書詩十一篇名
文苑傳志
不著集目

曉發

江臯聞曙鍾輕棧理還艸海潮夜約約川露晨溶
溶始見沙上鳥猶理雲外峯故鄉杳無際明發懷
朋從紀事載此詩云故鄉杳無際江臯聞曙鍾始見沙上鳥猶埋雲外峯似出後人所刪然較勝也

奉和御製春臺望

青陽布王道玄覽陶真性欣若天下春高逾域中
聖神臯類觀賞帝里如懸鏡繚繞八川浮峯堯雙
闕映曉色徧昭陽晴雲卷建章華滋的皜丹青樹
瀛氣氤氳金玉堂尚有靈蛇下廊時還徵瑞寶入
陳倉自昔秦奢漢窮武後庭萬餘宮百數旗回五

丈殿千門連綿南陞出西垣廣畫秦蛾誇窈窕羅
生玳瑁象崑崙迺睭天情興隱恤古來土木良非
一荆臨章觀趙叢臺何如堯階將禹室層欄窈窕
下龍輿清管透迤半綺疏一聽南風引鸞舞長
北關仰宸居

望人家桃李花

山源夜雨度仙家朝發東園桃李花桃花紅兮李
花白照灼城隅復南陌南陌青樓十二重春風桃
李爲誰客棄置千金輕不顧脚躡五馬謝相逢徒
言南國容華晚遂歎西家飄落遠的皜長奉明光

殿氛氲半入披香苑苑中珍木元自奇黃金作葉
白銀枝千年萬歲不凋落還將桃李更相宜桃李
從來露井傍成蹊結影矜豔陽莫道春花不可樹
會持仙實薦君王

送人之軍

常經絕脉塞復見斷腸流遂子成今別令人起音
愁隴雲晴半雨邊草夏先秋萬里長城寄無貽漢
國憂

奉和聖製送張說上集賢學士賜宴

賦得
謨字

西學垂玄覽東堂發聖譔天光燭武殿時宰集鴻

都枯朽霑皇澤翮飛舞帝梧跡同遊汗漫榮是括
泥塗三嘆承湯鼎千歡接舜壺微軀不可答空欲
詠依蒲

奉和聖製送張說巡邊

荒憬

一作境

盡懷忠梯航已自通九攻雖不戰五月

尚持戎遣戍徵周牒恢邊重漢功選車命元宰授
律取文雄胄出天弧上謀成帝幄中詔旂分夏物
專土錫唐弓帳宿伊川右鉦傳晉苑東饗人藉蕡
實樂正理絲桐岐陌涵餘雨離川照晚虹恭聞詠
方叔千載舞皇風

題袁氏別業

主人不相識，偶坐爲林泉。
莫謾愁沽酒，囊中自有

錢。

回鄉偶書二首

趙德麟云一說黃拱作

離別家鄉歲月多，近來人事半消磨。
惟有門前鑑湖水，春風不減舊時波。

少小離鄉老大回，鄉音無改鬢毛衰。
兒童相見不相識，笑問客從何處來。

劉辰翁云說透人情

採蓮曲

稽山罷霧鬱嵯峨，鏡水無風也自波。
莫言春度芳

非盡別有中流采芰荷

詠柳

碧玉妝成一樹高萬條垂下綠絲絛不知細葉誰
裁出二月春風似剪刀

句

落花真好些一醉一回顛

詩式

乙籤一百

賀朝越州人山陰尉一二云會稽尉詩八篇

舊唐書文苑傳

云神龍中賀知章與賀朝萬齊融張若虛邢巨包融俱以吳越之士文詞俊秀名揚于上京人間往往傳其文今並列于後

南山

一作賀
朝清詩

湖北雨初晴
湖南山盡見
巖巖石帆影
如得海風
便仙穴
茅山峯彩雲
時一見
邀君共探此
異錄殘
幾卷

孤興

晴日煖珠箔
天桃色正新
紅粉青鏡中
娟娟可憐
嚙君子在遐
險蕙心誰見
珍羅幕空掩
畫玉顏晴
移春江瑟語
幽獨再三情
未申黃鵠千
里翅芳音
遲所因

從軍行

朔胡乘月寇邊城軍書插羽刺

一作賜

中京天子金

壇拜飛將單于玉塞振佳兵騎射先鳴推任俠龍

韜決勝佇時英聞有河湟客愔愔理帷帟常山啓

霸圖汜水先天策銜珠浴鐵向桑乾爨旗膏劔指

烏丸鳴雞已報關山曉來鴈遙傳沙塞寒直爲甘

心從苦節隴頭流水嗚嗚咽邊樹蕭蕭不覺春天

山漠漠長飛雪魚麗陣接塞雲平鴈翼營通海月

明始看晉幕飛鷺入旋聞齊壘啼烏聲自從一戍

燕支山春光幾度晉陽關金河未轉青絲騎玉筋

應啼紅粉顏鴻歸燕相續池邊芳草綠已見氛清

細柳營莫更春歌落梅曲烽沈竈滅靜邊亭海宴
山空肅已寧行望鳳京旋凱捷重來麟閣畫丹青

賦得遊人久不歸

一作劉孝孫詩
又作賀朝清

鄉關眇天末飲領悵懷歸羈旅久淫滯物色屢芳
菲稍覺出意盡行看蓬鬢稀如何千里外佇立露
裳衣

宿香山閣

一作賈
彥璋詩

暝上

一作
望

春山閣梯雲宿半空軒牕閉潮海枕席

拂烟虹朱網防棲鶴紗燈護夕蟲一聞雞唱曉已
見日瞳瞳

贈酒店胡妃

胡妃春酒店絃管夜鏘鏘紅氍鋪新月貂裘坐薄
霜玉盤初餹鯉金鼎正烹羊上客無勞散聽歌樂
世娘

賦得春鶯送友人二首

翅掩飛鶯舞啼惱婕妤悲料取金闈意因君問所
思

流鶯拂繡羽二月上林期待雪銷金禁銜花向玉
墀

乙籤一百一

萬齊融越州人崑山令一云涇縣令

唐書以齊融姓齊名融而

融字屬上文賀朝為賀朝萬紀事據梁肅越州開元寺僧曇一碑李華潤州鶴林寺徑山大師碑作萬齊融

宜從之詩四篇

三日綠潭篇

春潭滉漾接隋宮官闕連延潭水東蘋苔嫩色含
波綠桃李新花照底紅垂菱布藻如妝鏡麗日晴
天相照映素影沈沈對蝶飛金沙礫礫窺魚泳佳
人被襖賞韶年傾國傾城併可憐拾翠總來芳樹
下踏青爭遠綠
公子王孫恣遊翫沙陽
場一作
水曲情無厭禽浮似挹羽觴杯鱗躍疑投水心劍

金鞍玉勒騁輕肥
落絮紅塵擁路飛
綠水殘霞
席散畫樓初月待人歸

仗劍行

昨日星宮動紫微
今年天子用武威
登車一呼風雷動
遙震陰山撼巍巍
胡驕子當見旄頭蝕
應死願騎單馬仗
天威
接取長繩縛虜歸
仗劍遙叱路傍子
匈奴頭血濺君衣

贈別江頭

東南飛鳥處言是故鄉
天江上風花晚君行
定幾千計程頻破月
數別屢開年
明歲潯陽水相思寄

采蓮

送陳七還廣陵

風流誰代子，雖有舊無雙。
歡酒言相送，愁絃意不降。
落花馥河道，垂楊拂水隍。
海潮與春夢，朝夕廣陵江。

乙籤一百二

張若虛揚州人兗州兵曹詩二篇

春江花月夜

春江潮水連海平，海上明月共潮生。
瀟瀟隨波千萬里，何處春江無月明。
江流宛轉遶芳甸，月照花

林皆似霰空裏流霜不覺飛汀上白沙看不見江
天一色無纖塵皎皎空中孤月輪江畔何人初見
月江月何年初照人人生代代無窮已江月年年
祇相似不知江月待何人但見長江送流水白雲
一片去悠悠青楓浦上不勝愁誰家今夜扁舟子
何處相思明月樓可憐樓上月徘徊應照離人妝
鏡臺玉戶簾中卷不去擣衣砧上拂還來此時相
望不相聞願逐月華流照君鴻鴈長飛光不度魚
龍潛躍水成文昨夜閑潭夢落花可憐春半不還
家江水流春去欲盡江潭落月復西斜斜月沈沈

月正舟歸
藏海霧碣石瀟湘無限路不知乘月幾人歸落月
搖情滿江樹

代答閨夢還

關塞年華早樓臺別望違試衫着暖氣開鏡覓春
暉燕入窺羅幕蜂來上畫衣情催桃李豔心寄管
絃飛妝洗朝相待風花暝不歸夢鬼何處入寂寂
掩重扉

乙籤一百三

邢巨揚州人監察御史詩二篇

太平御覽云開元
七年中文詞雅麗

遊春

海岳三峯古春皇二月寒綠潭漁子釣紅樹美人
攀弱蔓環沙嶼飛花點石關谿山遊未厭琴酌弄
晴灣

遊宣州琴谿回武平一作

靈谿非人迹仙意素所秉鱗嶺蒼翠微澄潭照秋
景

乙籤一百四

李澄之尉氏人善五言詩蹉跎不遇年六十餘爲

宋州叅軍卒

文苑傳載賀知章傳後云神龍中人

詩一篇

秋庭夜月有懷

遊客三江外，單樓百慮違。
山川憶處近，形影夢中歸。
夜月明虛帳，秋風入搗衣。
從來不慣別，充屬鴈南飛。

乙籤一百五

張旭蘇州人，善草書，嗜酒，每大醉，呼叫狂走，乃下筆，或以頭濡墨而書，既醒，自視以爲神，世呼爲顛。文宗時，以李白歌詩、旭草書及裴旻劍舞爲三絕。詩六篇。名列文藝傳，不著集日。

清谿泛舟

旅人倚征棹薄暮起勞歌笑攬清谿月清輝不厭
多

桃花谿

楊升庵云崔鴻臚所
藏石刻有此三絕

隱隱飛橋隔野烟石磯西畔問漁船桃花盡日隨
流水洞在清谿何處邊

山行留客

山光物態弄春輝莫爲輕陰便擬歸縱使晴明無
雨色入雲深處亦沾衣

春遊值雨

欲尋軒檻列清樽江上烟雲向晚昏須倩東風吹

散雨明朝却待入華園

春草

楊升庵云吳人收得真蹟有此

春草青青萬里餘
邊城落日見離居
情知海上三年別
不寄雲間一紙書

柳

濯濯烟條拂地垂
城邊樓畔結春思
請君細看風流意
未減靈和殿裏時

乙籤一百六

唐音統籤卷八十六

孫逖武水人文思警敏開元初應舉三擅甲科累
官考功員外郎集賢修撰拜中書舍人掌誥八年
制勅爲時歎服上元中終太子詹事詩一卷藝文志集
二十卷顏真卿序共詩多逸韻佳對希
在人曰可謂人文之宗師國風之哲匠

五言古詩

葛山潭

圓潭寫流月
清明涵萬象
仙翁何時還
綠冰空蕩漾
涼哉草木腓
白露沾人衣
猶醉空山裏
騎鶴聞笙鶴飛

和左司張員外自洛入京中路先赴長安逢
立春日贈韋侍御等諸公

拜郎登省闈奉使馳車乘遙瞻使者星便是郎官
應臺妙時相許皇華德彌稱二陝聽風謠三秦望
形勝此中揆益友是日多詩興寒盡歲陰催春歸
物華證

和登會稽山

稽山碧湖上勢入東溟盡煙景晝清明九峰爭隱
隣望中厭朱紱俗內探玄牝野老聽鳴騶山童擁
行軫仙花寒未落古蔓柔堪引竹磴入山多松崖

向天近雲從海天去日就江村隕能賦丘嘗聞和
歌參不敏冥搜信冲漠多士期標準願奉濯纓心
長謠反招隱

送楊法曹按括州

東海天台山南方縉雲驛一作谿澄問人隱巖險
煩登陟潭壑隨星使軒車繞春色儻尋琪樹人爲

報長相憶

七言古詩

丹陽行

丹陽古郡洞庭陰落日扁舟此路尋傳是東南舊

都處金陵中斷碧江深在昔風塵起京都亂如燬
雙闕戎虜間千門戰場竊傳聞一馬化爲龍南渡
衣冠亦願從石頭橫帝里京口拒戎鋒青楓林下
迴大蹕杜若洲前轉國容都門不見河陽樹輦道
惟聞建業鍾中原悠悠幾千里欲掃攬槍未云已
英雄傾奪何紛然一盛一衰如逝川可憐宮觀重
江裏金鏡相傳三百年自從龍見聖人出六合車
書混爲一昔年王氣今何在併向長安就堯日荆
榛占木閉荒阡共道繁華不復全赤縣惟餘江樹
月黃圖半入海人煙暮來山水登雲遍覽古愁吟

淚如霰惟有空城多白雲春風淡蕩無人見

山陰縣西樓

都邑西樓芳樹間透迤霽色遶江山一作海月夜

從公署出江雲晚對訟庭還誰知春色朝朝好二月飛花滿江草一見湖邊楊柳風遙憶青青洛陽道

夜宿浙江

佩舟夜入江潭泊露白風高一作秋氣蕭索富春渚

上潮未還天姥岑邊月初落煙水茫茫多苦辛更聞江上越人吟洛陽城闕何時見西北浮雲朝暝

深

春日留別

春路逶迤花柳前孤舟晚泊就人煙東山白雲不
可見西陵江月夜娟娟春江夜盡潮聲度征帆遙
從此中去越國山川看漸無可憐愁思江南樹

五言律詩

正月十五日夜應制

一作沈
佺期詩

洛城三五夜天子萬年春綵仗移雙闕瓊筵會九
賓舞成蒼頡字燈作法王輪不覺東方日遙垂御

藻新

奉和御製登駕鵞樓卽目應制

玉輦下離宮瓊樓上半空
方巡五年狩更闢四門
聰井邑觀秦野山河念禹功
停鑿留睿作軒檻起
南風

奉和四月三日上陽水應賜宴應制

得奉字

今日逢初夏歡遊續舊旬
氣和先作雨恩厚別成
春鳳吹臨清洛龍輿下紫宸
此中歌在藻還見躍
潛鱗

奉和登會昌山應制

巖磴列雲旗吾君訪道時
乾行萬物觀日馭

一作駐

六龍遲望遠廻天顧登高動睿詞願因山作壽長
保會昌期

進船泛洛水應制

一作薛
春感詩

禁園紆睿覽仙棹叶時游洛北風花樹江南彩畫
舟芳生蘭蕙草春入鳳凰樓興盡離宮暮烟光起
夕流

宴越府陳法曹西亭

公府西巖下紅亭間白雲雪梅初度臘烟竹稍迎
鹽水木涵澄景簾櫳引霽氛江南歸思逼春鴈不
堪聞

同邢判官尋龍湍觀歸湖中

星使下天

一作

京雲湖喜晝晴更從探穴處還作

棹歌行絲管荷風入簾帷竹氣清莫愁歸路遠水
月夜虛明

尋龍湍

仙穴尋遺跡輕舟愛水鄉谿流一曲盡山路九峯
長漁父歌金洞江妃舞翠房遙憐葛仙宅真氣共
微茫

宿雲門寺閣

香閣東山下烟花象外幽懸燈千嶂夕卷幔五湖

秋畫壁餘鴻鴈紗牕宿斗牛更疑天路近夢與白
雲遊

楊子江樓

楊子何年邑雄圖作楚關江連二妃渚雲近八公
山驛道青楓外人烟綠嶼間晚來潮正滿數處落
帆還

淮陰夜宿二首

水國南無畔扁舟北未期鄉情淮上失歸夢郢中
疑木落知寒近山長見日遲客行心緒亂不及洛
陽時

永夕卧煙塘蕭條天一方秋風淮水落寒夜楚歌
長宿莽非中土鱸魚豈我鄉孤舟行已倦南越尚
茫茫

下京口埭夜行

孤帆度綠氛寒浦落紅曛江樹朝來出吳歌夜漸
聞南溟接潮水北斗近鄉雲行役從茲去歸情入
鴛羣

山行遇雨

驟雨晝氤氲空天望不分暗山惟覺電窮海但生
雲涉澗猜行潦緣崖畏宿氛夜來江月霽棹唱此

中聞

夜到潤州

夜到

一作入

丹陽郡天高氣象秋海隅雲漢轉江畔

火星流城郭傳金柝閭閻閉綠洲客行凡幾夜新月再如鉤

和韋尚書春日南亭宴兄弟

臺閣升高位園林隔舊鄉忽聞歌棣萼還比報瓊芳門向宜春近郊連御宿長德星常有會相望在

文昌

和常州崔使君寒食夜

問道清明近春庭

一作闌

向夕闌行遊畫不厭風物

夜宜看斗柄更初轉梅香暗裏殘無勞秉華燭清

晴

一作

月在南端

奉和崔司馬遊雲門寺

繫馬清谿樹禪門春氣濃香臺花下出講坐竹間
逢覺路山童引經行谷鳥從更言窮寂滅廻策上

青峯

酬萬八賀九雲高下歸谿中作

晚從靈境出林壑曙雲飛稍覺清谿盡廻瞻畫剎
微獨園餘興在孤棹宿心違更憶登攀處天香滿

一作
盃袖歸

送杜侍御赴上都

避馬臺中貴登車嶺外遙
還因貢賦禮來謁大明
朝地入商山路鄉連渭水橋
承恩返南越尊酒重
相邀

冬末送魏起居赴京

大名將起魏良史更逢遷驛騎
朝丹闕關亭望紫
烟西京春色近東觀物華偏
早赴王正月揮毫記
首年

送張環攝御史監南選

漢使得張綱威名振遠方恩霑柱下史榮比選曹
郎江帶黔中闊山連峽水長莫愁炎暑地秋至有
嚴霜

送靳十五侍御使蜀

天使出霜臺行人擇吏才傳車春色送離典夕陽
催驛遶巴江轉關迎劔道開西南一何幸前後二
龍來

送趙

一作許

評事攝御史監軍嶺南

議獄持邦典臨戎假憲威風從閩闔去霜入洞庭
飛篁竹迎金鼓樓船引繡衣明年降真月南斗使

星歸

春初送呂補闕往西嶽勒碑得雲字

刻石記天文朝推谷子雲篋中緘聖札巖下掛神
君語別梅初豔爲期草欲薰往來春不盡離思莫
氛氲

送蘇郎中綰出佐荊州

神僊久畱滯清切佇飛翻忽佐南方牧何時西掖
垣高車自蘭省便道出荆門不見河梁別空銷郢
路蒐

送李補闕攝御充河西節度判官

昔年叨補袞邊地亦埋輪官序慙先達才名畏後
人西戎雖獻款上策耻和親早赴前軍幕長清外
城塵

送魏騎曹充宇文侍御判官分按山南

雲雨陽臺路光華驛騎巡勸農開夢土恤隱惠荆
人樓迴吟黃鶴江長望白蘋觀風布明詔更是漢
南春

送周判官往台州

吾宗長作賦登陸訪天台星使行看入雲仙意轉
催飲冰攀璀璨驅傳歷莓苔日暮東郊別真情去

不廻

送越州裴參軍克使入京

日落川徑寒
離心苦未安
客愁西向盡
鄉夢北歸難
霜果林中變
秋花水上殘
明朝渡江後
雲物向南看

送李給事歸徐州覲省

列位登青瑣
還鄉復綵衣
共言晨省日
便是晝遊歸
春水經梁宋
晴山入海沂
莫愁東路遠
四牡正駢駢

和常州崔使君詠後庭梅二首

聞唱梅花落江南春意深更傳千里外來入越人
吟弱幹紅妝倚繁香翠羽尋庭中自公日歌舞向
芳陰

梅院重門掩遙遙歌吹邊庭深人不見春至曲能
傳花落彈碁處香來薦枕前使君停五馬行樂此
中偏

詠樓前海石榴二首

客自新亭郡朝來數物華傳君妓樓好初落海榴
花露色珠簾映香風粉壁遮更宜林下雨日晚逐
行車

海上移珍木樓前詠所思遙聞下車日正在落花
時舊綠香行蓋新紅酒步綦從來寒不易終見久
逾滋

張丞相燕公挽歌詞二首

述本傳云張說重
述之才命其子均

增往拜之述
且遊說之門

海內文章伯朝端禮樂英一言興寶運三人濟羣
生命與才相偶年將位不并台星忽已坼流慟軫
皇情

甲第三重戟高門四列侯已成冠蓋里更有鳳皇
樓人世方爲樂生涯遽若休空餘掌綸地傳慶百

千秋

故陳州刺史贈兵部尚書韋公挽歌

奕葉金章貴連枝鼎位尊
台庭爲鳳穴相府是鸞
原世闕空悲命泉幽不返魂
惟餘漢臣史繼術贊
韋門

故程將軍妻南陽郡夫人樊氏挽歌

德配程休甫名高魯季姜
寵榮蒼玉珮宴夢鬱金
堂白日期偕老幽泉忽悼亡
國風猶在詠江漢近
南陽

五言排律

江行有懷

秋水明川路輕舟轉石圻霜多山橘熟寒至浦禽
稀飛席乘風勢廻流蕩日暉晝行疑海若夕夢識
江妃野霽看吳盡天長望洛非不知何歲月一似
暮潮歸

立秋日題安昌寺北山亭

樓觀倚長霄登攀及霽朝高如石門頂勝擬赤城
標天路雲虹近人寰氣象遙山園伯禹廟江落伍
胥潮徂暑迎秋薄涼風是日飄果林餘苦李萍水
覆甘蕉覽古嗟夷漫凌空愛汰一作寥更聞金刹

下鍾梵晚蕭蕭

登越州城

越嶂繞層城登臨萬象清
封圻滄海合酈市碧湖
明曉日漁歌滿芳春棹唱行山風吹

一作搖

美箭田

雨潤春杭代閱英靈盡人閒吏隱并
贈言王逸少已見曲池平

長洲苑

吳黃武中此地校獵

吳王初鼎峙羽獵騁雄才
輦道閭門出軍容茂苑
來山從列嶂轉江自繞林迴
劒騎綠汀入旌門隔嶼
開合離紛若電馳逐溢成雷
勝地虞人守歸舟

漢女陪可憐夷漫處猶在洞庭隈山靜吟猿父城
空應雉媒戎行委喬木馬跡盡黃埃攬涕問遺老
繁華安在哉

和李右相賞會昌林亭

賢相初陪蹕靈山本降神作京雄近縣開閣寵平
津地勝林亭好時清宴賞頻百泉縈草木萬井布
郊畛德與春和盛功將造化鄰還喧渭濱叟歲晚
獨垂綸

奉和李右相書壁畫山水

廟堂多暇日山水契中情欲寫高深趣還因藻繪

成九江臨戶懸二峽繞檐楹花柳窮年發烟雲逐
意生能令萬里近不覺四時行氣染荀香馥光含
樂鏡清詠歌齊出處圖書表冲盈自保千年遇何

論八載榮

李公詩云八載奉司存

和崔司馬登稱心山寺

郡府乘休日王城訪道初覺花迎步履香草藉行
車倚閣觀無際尋山坐

一作畫

太虛巖空迷禹跡海

靜望秦餘翡翠巢珠網鷗雞間綺疎地靈資淨土
水若護真如寶樹誰攀折禪雲自卷綠晴分五湖
勢輝谷九夷居生滅紛無象窺臨已得魚管聞寶

月贈今日奉瓊琚

和左衛武倉曹衛中對雨劍韻贈右衛李騎

曹

二人同
任校書

林父同官意宜尼久敬交文場刊玉篆武事掌金
鏡道合宜連茹時清豈繫匏克勤居簿領多暇屏
謹饒美酒懷公讌玄談俟客嘲薄雲生北闕飛雨
自西郊院暑便清曠庭蕪覺漸苞高門開詎閉逸
韻柱難膠枳棘鸞無歎倚梧鳳必巢忽聞徵竝作
觀海媿堂坳

送趙大夫護邊

外域分都護中臺命職方欲傳清廟畧爲一作先取

劇曹郎已佩登壇印猶懷伏奏香一作章百壺開詔

一作祖餞駟牡結一作戒戎裝青海連西極黃河帶北

涼關山瞻漢月戈劔宿胡霜體國才先著論兵策
復長果持文武術還繼杜當陽

送新羅法師還國

異域今無外高僧代一作世所稀苦心歸一作驚寂滅

宴坐得精微持鉢何年至傳燈是日歸上卿揮別
藻中禁下禪衣海闊杯還度雲遙錫更飛此行迷
處所何以慰虔祈

和詠解署有櫻桃

上林天禁裏芳樹有紅櫻江國今來見君門春意
生香從花綬轉色繞佩珠明海鳥銜初實吳姬掃
落英切將稀取貴羞與衆同榮爲此堪攀折芳蹊
處處成

七言律詩

和上巳連寒食有懷京洛

一說宋之問
詩未知孰是

天津御柳碧遙遙軒騎相從半下朝行樂光輝寒
食借太平歌舞晚春饒紅妝樓下東郊道青草洲
邊南渡橋坐見司空掃西第看君侍從落花期

和左司張員外自洛使入京中路先赴長安
逢立春贈韋侍御等諸公

忽翻雲間數鴈迴更逢山上一花開

一作花
正照

河邊

淑氣迎芳草林下輕風待落梅秋憲府中高唱入
春卿署裏和歌來共言東閣招賢地自有西征作
賦才

蔣一葵云題事多緒難於一氣貫攝此作得
之第雲間山上河邊林下府中署裏太犯重

五言絕句

同洛陽李少府觀永樂公主入蕃

邊地鶯花少年來未覺新美人天上落龍塞始應

春

七言絕句

途中口號

鄴城東北望陵臺
珠翠繁華去不迴
無復新妝豔
紅粉空餘故態滿青苔

句

野烟出爐一山花落鏡中

蘇山詩式